



Universitätsbibliothek Paderborn

**Liber Theologiæ Moralis, Viginti Qvatvor Societatis Iesv
Doctoribvs Reseratvs**

Escobar y Mendoza, Antonio de
Lvgdvni, 1659

VI. De peccatis aliisque, à quibus Confessarius absoluere potest per
Bullam.

urn:nbn:de:hbz:466:1-41066

48. Constituitur quis in articulo mortis præsumpto: potest ne Confessarius Indulgentiam sub conditione impetrari, si verè diem tuum obieris, alioquin ad mortis instans tibi à Deo hæc Indulgentia reserueretur? Potest, imò ita fieri iubet Cruciatæ commissarius.

C A P V T VI.

De Peccatis, aliisque, à quibus absoluere potest
Confessarius per Cruciatam
electus.

49. **A** Quisnam peccatis Confessarius Bullæ virtute electus potest absoluere? A quiscunque peccatis, & censuris: censuræ autem quatuor adnumerantur, excommunicatione, suspensio, irregularitas, interdictum.

50. Quidnam obsequandum circa absolutionem ab excommunicatione? Non tenet absolutio nisi satisfactione partis præmissa. Fit autem si vel rei debitæ (si res ipsa non potest) redditus & qualitas, vel pignora exhibeantur, vel saltem iurat pœnitens se satisfactum, cum primum potuerit. Profectò unica absolutio ligatum pluribus excommunicationis vinculis expedire potest similibus verbis: *Absoluo te ab omnibus, quibus detineris excommunicationibus.* Id quod necessario præstandum intra ipsum pœnitentiæ Sacramentum, ut legenti Bullam patebit. Unde non est exterioribus ceremoniis imperienda huiusmodi fori conscientiæ absolutio: nec ad forum exterius valere potest. Potest ne Confessarius virtute Bullæ electus absoluere ligatum nominatum excommunicatione ab homine, quoad conscientia forum? Minime, nec per aliquod aliud priuilegium, nisi prius parti lœse satisfaciatur. Pars lœsa longè abest, iudex qui te excommunicavit nominatum, vult confessione præmissa te Indulgentias Bullæ lucrari, deponis apud faciliusorem fidem rem debitam: poteris ne à peccatis, excommunicationeque absoluī? Potero; quia ea censenda iusta partis voluntas, quantum in se est præstante debitore. Imò si centum deberem aureos, impotens soluere, ab excommunicatione posse liberari faciens quod in me est. Quid si postmodum potens effectus nolles partē lœsa facere? In eandem ne reincideres excommunicationem? Minime, non enim est Confessario potestas ad reincidentiam, cum taliter absoluere circa excommunicandum sit iurisdictionis actus.

Q 2

51. Circa

51. *Circa absolutionem à suspensione requiro, num malum ordinatus Presbyter sciens se esse minorem vigesimo quinto anno inchoato, virtute Cruciae in foro interiori possit absolvi?* Potest; quia huiusmodi censura fuit culpabiliter contracta; & censuris autem culpabiliter contractis valet Bullæ virtute Confessarius electus absoluere. *Potest ne absolutus illicebatur?* Si peruenit iam ad ætatem legitimam, potest; non peruenit, non potest; manetque si celebret, irregularis quia electus Confessarius potest priuilegio Bullæ tollere suspensionem, non tamen in legitima ætate dispensare.

52. *Circa absolutionem ab irregularitate inquiram, quanam irregularitas appellanda censura?* Ea sola, quæ oritur ex delicto, & ab ea sola potest Confessarius virtute Bullæ electus absoluere. Excipe irregularitatem, quæ ab homicidio voluntario sive iusto, sive iniusto exoritur, à qua Bullæ virtute licet ex delicto exoriatur, nullus potest absolvi.

53. *Circa interdictum quaram, quidnam priuilegium Pontificis illa concedat in clausula?* Ut Confessor electus possit virtute Bullæ interdictum nominatum ab homine (quem non poterat absoluere nisi iudex qui illum interdixerat, vel alias index illo Superior in eiusdem fori iurisdictione) ab interdicti censura absoluere, satisfacta prius parte laesa. Potest præterea absoluere à quoquis alio interdicto posito à iure, quoquis modo Sedi Apostolicæ reseruato. Vnde penitentis possit & Sacraenta suscipere, & Ecclesiasticæ sepulture mandari.

54. *Quidnam de absolutione à cessatione à Diuinis dicendum?* Non dat ad hoc Bulla potestatem; quia cessatio à diuinis censura non est.

55. *Potest ne virtute Bullæ Cruciae dari ab excommunicationibus in Bulla Cœna expressis absolutionis?* Potest.

56. *Denique circa Ecclesiasticam sepulturam interdictum concessam repente mortuis virtute Bullæ Cruciae, rogo, quidnam interdictis hac facultas concedatur?* Lis profecto, quin articulo mortis signa contritionis exhibuere, & minimè erant excommunicati.

57. *Prohibet Bulla excommunicatos mortuos repente, aut sine confessione propter defectum Confessarij cum solis signis contritionis sepultura Ecclesiastica tradi: quoniam modo huiusmodi prohibitio intelligenda?* Non debent humari sacro in loco, nisi prius ab excommunicatione absoluantur. Quoniam secundum ius commune excommunicatus mortuus cum signis contritionis sine absolutione ab excommunicatione, potest

ab ea post mortem absolui ab eo, qui habet iurisdictionem.
Post absolutionem autem cadaver donandum Ecclesiæ se-
pulturæ exhumatum est loco profano; seu à loco sacro, si
inibi iacet, non extrahendum. Satisque tunc virgis terram
(corpus minimè) cädere.

C A P V T VII.

De votorum commutatione.

58. **Q**uenam vota possunt virtute Bullæ commutari? Omnia præter tria, castitatis scilicet, Religionis, & Transmarina. Possuntne commutari vota Romam, aut Compostellam peregrinandi gratia petendi: quia Papæ assolent reseruari? Possunt; quia ubi textus non excipit, nec debemus excipere.

59. **Q**uidnam votum Castitatis non valet Confessarius commutare? Castitatis perpetuae, & absolutæ. Nam si quis voulit castitatem ad tempus, vel circa unam rem venereum, & non alia ad eandem materiam pertinentia. v.g. circa talus impudicos, seu pollutionem, &c. Non censetur absolutæ castitatem voulisse; unde tale votum potest virtute Bullæ commutari; quia non est Papæ reseruatum. Ad eandem classem refero votum non nubendi, vel suscipiendi Ordinem Sacrum; quia tales non voverunt alias perfectionem, quam ei statui adhaerere, in quo decens castitatem seruare.

60. **M**ichi hanc penam statuo: si tale crimen perpetrauero, voveo me Iesuitarum Ordinem ingressurum: potest ne Confessarius viri jure Bullæ hoc votum penale Religionis commutare? Probabile reputo cum Henrico posse; quia vota penalia non sunt in fauorem, & amorem Religionis emissa, sed quodammodo in criminis detestationem, & mœrorem quasi rem gustui contrariam. Tale autem votum Pontifex sibi non reseruat, sed quæ amoris & gaudij stimulis ducant exortum.

61. **C**omprehendit ne exceptio Bullæ etiam votum ingrediendi Religionem militarem D. Ioannis? Ita planè; quia est vera Religio voto solemní castitatis astricta matrimonium ratum dirimente.

62. **Q**uidnam intelligitur sub nomine ultra mare? Votum ineundi Ierosolymæ peregrinationem.

63. **P**otest ne Confessarius virtute Bullæ iuramenta facta circa eandem materiam votorum commutare? Potest; quia huiusmodi iuramenta facta Deo, sunt vota iurata.